

De la Cosmographie

La bataille aupres de Morat.

La seconde
deffaicte du
duc de Bourgoingne
pres de Mo-
rat.

A Pres que le duc de Bourgoingne eust fait ceste perte contre les Suysses, il r'assembla vne plus grande armée que celle qu'il auoit au parauant, & les assailist de recheffe cuydant venger, & pource faire il assiegea la ville de Morat le 9. iour de luing. Le bastard de Bourgoingne tenoit la ville assiegea du costé du lac, & auoit 30. mille hommes soubz soy tant de cheual que de pied, le Duc d'autre costé auoit ordonné ses gentz vers la montaigne, & le seigneur Resmond auoit son camp en la descète tirât vers le lac, ayant soubz soy huit mille hommes. Par ce moyen la ville estoit assailie de toutes partz René duc de Lorraine, à qui Charles duc de Bourgoingne auoit osté Nancy, s'en vint là à haste & se ioignist avec les ennemys dudict duc de Bourgoingne pour donner secours aux Suysses. Or donc la bataille fust donnée, & l'aurât garde du duc Charles fust renuersée, & celluy qui la conduysoit mis en fuyte. Ceulx de Morat voyâtz cest heureux commencement, sortirent hors, & se ioignirent avec le duc de Lorraine, & entrèrent par force dedans le camp de ennemys, & en occirent plusieurs, voire en telle sorte que les ennemys ne celloyent de fuyr. Il y eust dixsept mille hommes tuez du costé du duc de Bourgoingne en ceste bataille, entre lesquelz il y auoit deux ieunes princes de la maison de Cleues. Et le duc Charles mesme y fust vn peu blessé. Le bastard voyât que tout se portoit mal, delibera ausi des' enfuyr avec toutz les gentz, mais les Allemans les poursuyirent, & en tuerent & firent noyer dedans le lac enuiron six mille. Le comte de Resmond ne pouuât seul porter tout le fait de la bataille, se sauua ausi par fuyte. Depuis a esté bastie une petite maison hors les



murs de la uille de Morat laquelle fut remplie des os de ceulx qui furent tuez, qui montrent encoré auourd'hui quelle boucherie fust la faicte, & combien il y eust de homes tuez. On peult bien ueoir encoré testes d'aucuns les fers des traictz & flesches & es os plusieurs coups receuz. Mais nous auons desia parlé de cecy cy dessus. Le duc Charles perdist toute son artillerie en ceste bataille, & toutz ses iouaux precieux, & se retira fort triste avec bien peu de gentz à saint Claude, & de là s'en alla à Besançon. Apres que le duc de Bourgoingne fust ainsi vaincu, René duc de Lorraine se retire à Strasbourg, & ayant la leuē quelques gentz, s'en alla à Nancy mettre le siege deuant, laquelle le duc de Bourgoingne s'estoit usurpée, & la recouura le 6. iour d' Octobre, trouuant en icelle 400. hommes de cheual en garnison, & 6900. de pied, toutz Bourguignons. Ceux de Strasbourg ausi & ceux de Basle donnerent quelque secours aux Bernois & Fribourgeois, lesquelz partirent ensemble pour entrer au

pays de Sauoye, & prindrent Geneue, Lausanne, & tout le pays à l'entour, puis apres ilz occuparent ausi la seigneurie du comte de Resmond. Mais l'euesque de Basle & le reste des confederez se ietterent sur le pays de Bourgoingne & prindrent & demolirent beaucoup de villes & forteresses dudit pays.

La uil-